

MOI HIGH-KABARAK 2025 PREDICTION



Kenya Certificate of Secondary Education KCSE PREDICTION SERIES 1



102/2

Kiswahili (Lugha)

Paper 2

Time: 2½ Hours

NAME.....

SCHOOL..... SIGN.....

INDEX NO..... ADM NO.....

Kenya Certificate of Secondary Education.

MAAGIZO KWA MTAHINIWA

- Karatasi hii ina kurasa kumi na mbili zilizopigwa chapa.
- Andika jina na nambari yako katika nafasi ulioachiwa hapo juu.
- Jibu maswali yote.
- Majibu yote yaandikwe katika nafasi zilizoachwa katika kijitabu hiki cha maswali.
- Majibu yote yaandikwe katika lugha ya Kiswahili.

KWA MATUMIZI YA MTAHINI PEKEE

SWALI	UPEO	ALAMA
1	15	
2	15	
3	40	
4	10	
JUMLA	80	

A. UFAHAMU (Alama 15).

Soma kifungu hiki kisha ujibu maswali.

Binadamu heshi kuwa na falsafa zinazojiri akilini mwake. Amejichanjia kijisayari chake cha kufikirika mfano wa Mirihi katika falaki yake ya maisha. Ni sayari ndogo ambayo imejitenga nasayari nyingine kama vile kausi.

Katika Mirihi kuna viumbe mahuluti vyenye mitindo ya kustaajabisha. Tofauti na Kausi ambayo mabinti huwa na urembo wa kiasilia, wanamirihhi ni "warembo" mithili ya walioanguliwa ja vifaranga. Viganja vyao na nyuso zao huwa zimekandwa kwa mafuta ya zebaki zikawa nyororo japo wengi huwa mithili ya suriama. Wasalaminiapo na wanakausi mikwaruzo yao huwachipua ngozi kwa kazi ya sulubu waifanyayo shambani. Fauka ya uhotara huo, wamefungasha kiasi huku wamejisetiri kwa vijisuruali na vijisketi ambavyo vimewabana kana kwamba vimeundwa kwa vitambaa vya mikononi na kutafuta misaada kutoka kwa majirani kuvivua na kuvivaa.

Wanakausi waliovalia nguo zinazowafika kwenye visigino, huchushwa mno na hivi vijiguo vinavyowasetiri hadi kwenye sisemi vilengesambwa, ukipenda magotini, bali kwenye mapaja. Ni kweli kwamba waso haya wana mji wao. Wanapodatia hasa kwenye hafla za maziko au arusi katika sayari ya Kausi, wanakausi hujibana pembeni kujionea malimwengu ulimwenguni.

Minong'onezo ndio itajaa hewani "ni yakini Pemba ndiko kwenye nguo na wenda uchi wapo". Katika hafla hizo, wale mabinti wazuri wa Mirihi hubeba vibogoshi ambamo mara kwa mara hutoa vidubwasha vidogo vidogo na kuendelea kujipodaa huku shughuli zinapoendelea. Pengine huenda umesahau kuwa katika mipango na makadirio ya matumizi ya hafla hiyo marejeleo yanayokaririwa huwa "..... wajua watu wa Mirihi hawapendi....."

Mabinti wazuri wa Mirihi kila mmoja huwa amejibeebea mwavuli wa kujizuia mvua au jua huku amekumbatia maji ya chupa ya kutoka kwenye sayari ya Mirihi.

Wanakausi walalahoi huwa wakikata kiu yao rahisi kutoka kwenye mapipa yaliyojazwa maji au kwenye mifereji waliyobahatika kuwekewa na wizara ya maji, kwa kutumia viganja vya mikono. Mabwana wa Mirihi hawana haja na miavuli, wao huwa watu wenye zao. Huvalia kofia nene zinazoonekana kama somberero. Watembeapo huning'iniza funguo za magari ya kifahari katika mkono wa kushoto na simu za rununu katika mkono wa kulia.

Hapa na pale watakuwa wakiwasiliana kwa simu zao na pia kupiga gumzo na maghulamu wa Kausi ambao kwa kawaida watakuwa wakiwarai Wanamihiri, "Utaniacha hivyo?"

Baada ya hafla, mlo ambao huwa Wanamirihhi hupakuliwa huku Mabwanamirihhi wakidakia wasichelewe, mabintimirihhi wakinyofoa kwa mikono au kung'ofoa kwa midomo yao myekundu na Wanakausi wakichungulia kwa mbali wakisubiri nafasi yao itimie.

Ghafla mawingu yataanza kutanda upande wa mashariki na mambo sasa yatachukua mkondo mpya. Wanamirihhi mchakamchaka huengaenga, mbio kwenye magari yao. Lakini kuna wale ambao hawana magari ya kukimbilia. Kawaida yao huwaita Wanamirihhi wenzao faraghani "Baba fulani umejaza?".

Wengine hubaki kusema, "Huenda basi letu likaniacha, tutaonana nikija wikendi." Hali iwapo mwanana, Wanakausi watakuwa sasa ndio wakati wa kujitambulisha na wengine kuyajaza magari ya Wanamirihii ya kifahari, kwa maembe, avocado, ndizi na makochokocho ya vitu vya shambani. Baada ya miezi kadhaa, Wanakausi wachache watawazuru Wanamirihii kuwapa shukurani katika kijisayari chao cha Mirihii.

Hapo sasa watafumbua jibu la kitendawili watakapokumbana na Bintimirihii amebeba kijikaratasi cha nailoni kimejazwa embe dodo moja, sukumawiki bila kusahau kisehemu cha nyama alichopimiwa cha shilingi kumi. Kwa kuwa atapata malazi kwake atamshauri, ".....pengine unionyeshe bucheri tununue nyama.... tupitie dukani tununue" hapo kwake Malaika atakuwa ameshuka kutoka Kausi hadi Mirihii.

Lakini wengine ni wale ambao pindi tu utakapowasalimia watakukwa na "zamu ya usiku siku hiyo." Wanaovalia somberero watamlaki mwanakausi kwa mlahaka wa kifalme ili akastaajabie vitu kama **majirafu**, mazulia, makochi, taja nitaje.

Yule wa awali atalala usiku huo usingizi mnono usio wa bugudha na kwenye kochi huku akihimiria kurauka mapema asikutwe na waliolala nyuma ya pazia. Hisia za Mwanakausi zitamrudisha katika tamthilia ya WoleSoyinka "Masaibu ya ndugu Jero kuwa "vidole vyote havikumwa sawa." Mirihii ni sayari iliyo sheheni watu na viatu, kumbe Kausi ni shamba la paukwa pakawa la Edeni. Tafakari haya!

Maswali.

a) Andika anwani mwafaka ya taarifa hii.

(alama 2)

.....
.....

b) Eleza tofauti kati ya wanawake wa Mirihii na wale wa Kausi.

(alama 3)

.....
.....
.....
.....
.....

c) Ni dhahiri kuwa Mirihii ni Sayari yenye watu na viatu. Nini maana ya viatu. Je, kuna viatu hapa? Thibitisha.

(alama 3)

.....
.....
.....
.....
.....

d) Kwa mujibu wa taarifa, mabinti wa mirihi ni wa tabaka lipi? Thibitisha. (alama 3)

.....

.....

.....

.....

.....

e) Mwandishi anamaanisha nini anaposema " utaniacha hivyo?" (alama 2)

.....

.....

.....

f) Eleza maana ya: (alama 2)

- i. Jirafu. _____
- ii. Vibogoshi. _____

B. UFUPISHO (Alama 15)

Soma makala yafuatayo kisha ujibu maswali.

Mitihani imetumiwa siku nyingi kama kigezo cha kupima werevu wa mwanafunzi katika kutekeleza majukumu ya kiakili yenye kuhitaji stadi mbalimbali. Hii ni njia ya kuaminika na ni rahisi ambayo imetumiwa miaka mingi na watahini kukadiria uwezo wa mtu. Lakini wale wanaopinga mitihani wanasema kuwa mitihani haipimi kwa njia inayoaminika uwezo wa kiakili wa mwanafunzi, badala yake, mitihani inakadiri tu uwezo wa mwanafunzi wa kukadiria mambo kama kasuku kwa muda mfupi uliojaa vitisho na shinikizo.

Wasioithamini mitihani pia wanadai kuwa mitihani humpa mtahiniwa wasiwasi mwingi. Hii ni kwa sababu hadhi na umuhimu wa mitihani imekuzwa sana miongoni mwa watahiniwa na jamii zima kwa jumla. Mitihani ndio kigezo pekee kinachokadiria kufaulu au kutofaulu Kwa mwanafunzi. Mustakabali wa mwanafunzi kuamuliwa na mtihani. Watahini hawajali Sana masuala mengine ambayo yanaweza kuhathiri jinsi mwanafunzi anavyoweza kuufanya mtihani. Kwa mfano, mtahiniwa anaweza, kuwa mgonjwa, au pengine hakulala vizuri siku iliyotangulia mtihani. Haya yote ni masuala yanayoweza kumfanya mtahiniwa kutofanya vizuri katika mtihani.

Elimu nzuri humfundisha mwanafunzi kutumia akili. Lakini mfumo wa elimu unaopendelea mitihani haufanyi hivyo. Mfumo wa aina hiyo husisitiza kufundisha yale yale yanayopatikana katika mwongozo uliotolewa tu. Mwanafunzi hapewi motisha ili kusoma kwa mapana na marefu ili kupanua akili yake. Badala yake mwanafunzi hufungiwa kwenye uwanja finyu ambamo haruhusiwi kutoka. Mwalimu naye

kadhalika hana uhuru wa kumfundisha mwanafunzi kile anachofikiria kuwa muhimu katika maisha. Badala yake jukumu kubwa analoachiwa mwalimu huwa ni kumpa mwanafunzi mbinu za kukujibu maswali na kupita mtihani.

Ingawa wanaoitetea mitihani hudai kuwa matokeo ya mitihani ni ya kuaminika kwa sababu husahihishwa na watu wasiowajua watahiniwa, lakini ni vizuri pia kukumbuka kuwa watahini ni binadamu tu. Binadamu huchoka, huhisi njaa na zaidi ya yote anaweza kufanya makosa. Licha ya hayo yote, watahini hutakiwa kusahihisha rundo kubwa la karatasi, kwa muda mfupi. Mjadala uliopo kati ya wanaopendelea mitihani na wale wasiopendelea watukumbusha kuwa kuna haja kubwa ya kuendelea kuboresha mfumo wa mitihani ili uweze kukadiria kwa yakini uwezo wa kiakili wa mtahiniwa.

Maswali.

- a) Fupisha aya ya kwanza na ya pili. (maneno 60)(alama 9, 1 ya utiririko)

MATAYARISHO

.....

.....

.....

.....

.....

.....

.....

.....

.....

JIBU

.....

.....

.....

.....

.....

.....

.....

.....

.....

b) Fupisha aya ya tatu na ya nne. (maneno 50)(alama 6, 1 ya utiririko)

MATAYARISHO

.....

.....

.....

.....

.....

.....

.....

.....

JIBU

.....

.....

.....

.....

.....

.....

.....

.....

C. MATUMIZI YA LUGHA. (ALAMA 40)

a) (i) Taja konsonati mbili zinazotamkiwa katika kaakaa gumu. (alama 2)

.....

.....

.....

(ii) Sauti ulizotaja hapo juu ni za aina gani? (alama2)

.....

.....

.....

b) (i) Shadda ni nini? (alama 1)

.....

.....

(ii) Weka shadda katika maneno yafuatayo. (alama2)

Ua _____

Kiwakilishi _____

c) Tunga sentensi mbili kuonyesha dhana tofauti zinazobainishwa na kiimbo. (alama2)

.....

.....

.....

d) (i) Kiambishi ni nini? (alama 1)

.....

.....

(ii) Ainisha mofimu katika neno lifuatalo. (alama3)

Kilicholiwa.

.....

.....

.....

.....

.....

.....

e) Bainisha maneno katika sentensi ifuatayo. (alama 3)

Kumbe mtu mfupi anarukia lile zuri.

.....

.....

.....

.....

.....

.....

f) Maneno yafuatayo yamo katika ngeli gani. **(alama 2)**

(i) Wembe_____

(ii) Minyoo_____

g) Andika sentensi ifuatayo kwa ukubwa wingi. **(alama 3)**

Ngamia alibeba hema lililotengenezwa kwa ngozi ya chui.

.....

h) Tunga sentensi inayodhihirisha matumizi ya ‘O’ rejeshi tamati. **(alama 2)**

.....

.....

i) Onyesha hali iliyotumika katika sentensi ifuatayo. **(alama 1)**

Mganga aonekana akiwa uchi.

.....

.....

j) Kanusha. **(alama 1)**

Ningekuwa kasisi ningewafanya mwende mbinguni.

.....

k) Eleza matumizi mawili ya kiambishi –ji- **(alama 2)**

.....

.....

.....

.....

.....

.....

l) Changanua sentensi ifuatayo kwa njia ya visanduku.

(alama 4)

Ng'ombe akamuliwaye atachinjwa kesho.

.....

.....

.....

.....

.....

.....

.....

.....

.....

m) Andika sentensi ifuatayo katika usemi halisi.

(alama 3)

Mtaalamu alituambia kuwa kusoma kwa mapana kungepalilia ubunifu wa wanafunzi hao wao.

.....

.....

.....

n) Tunga sentensi moja moja ukitumia maneno yafuatayo katika kauli ulizopewa mabanoni.

(alama 2)

(i) Fumba (tendata)

(ii) Kwaa (tendama)

o) Tunga sentensi mbili tofauti kudhihirisha maana mbili za kitawe 'somo'. (alama2)

.....

.....

.....

.....

p) Tambua shamirisho na chagizo katika sentensi hii. (alama 2)

Juma alimjengea nyanya nyumba kwa mawe vizuri sana.

.....

.....

.....

D. ISIMU JAMII (ALAMA 10)

a. Eleza kwa ufupi jinsi mambo yafuatayo yanavyothibiti mitindo ya lugha.

Mazingira (alama 4)

.....

.....

.....

.....

.....

.....

Madhumuni (alama 2)

.....

.....

.....

.....

Malezi (alama 4)

.....

.....

.....

.....

.....

.....